


特別
~ 21
3536
19





第九十五回

司馬懿計取街亭



却說魏主曹叡駕居長安一邊撥五萬軍命二人領之以
 助曹真一人乃潁州陽翟人也潁州陽翟屬河南姓辛名毗字佐
 治為軍師一人乃涿郡容城人也涿郡即涿州容城地名俱屬北直隸姓孫
 名禮字德達為護軍二人奉詔而去於是司馬懿引二十
 萬軍出關下寨請先鋒張郃至帳下曰吾平生素知汝忠
 勇故在天子前保舉以退蜀兵非同小可諸葛亮乃當世
 之英雄用兵如神天下之人無不畏之見屯兵於祁山聲
 勢甚大不作準備者欺曹子丹無謀也他不知吾來吾今

先算下地理有十餘處皆峻險僻靜之路諸葛亮平日謹過于謹慎亦屬可則然則孔明尚有破綻在也慎仔細不肯造次行事他却不知吾境內地理若是吾用

兵先從子午谷逕取長安早得多時矣他非無謀但怕有失不肯弄險必然軍出斜谷來取郿城也郿城郿名斜谷地名俱屬陝西

若取郿城必分兵兩路一軍取箕谷矣此二處吾發檄文令子丹拒守郿城若兵來不可出戰令孫禮辛毗截治箕

谷道口若兵來則出奇兵擊之此萬全之計也郃曰將軍之兵欲往何處去也懿曰吾素知秦嶺之西有一條路地

各街亭屬陝西傍有一城名列柳城此二處皆是漢中之咽喉諸葛亮欺子丹無備定從此處進也吾與汝逕取街亭

望陽平關不遠矣諸葛亮若知吾斷其街亭要路絕其糧

道則隴西一境不能安守必然連夜奔回漢中去也彼若回動吾提兵於小路擊之可全勝矣若不歸時吾却將諸

處小路盡皆壘斷俱以兵守之一月無糧蜀兵皆餓死也諸葛亮必被吾所擒矣張郃大悟乃拜伏於地曰都督神

算也懿曰雖然如此諸葛亮不比孟達汝為先鋒不可輕進只為等頭之步當傳與諸將循山西路遠遠哨探如無伏兵方可前進

若是怠慢必中諸葛亮之計也張郃受計引軍而行司馬懿遣人持檄文來見曹真真乃依計行之却說孔明在祁

山寨中與諸將曰吾料子孟達必死於司馬懿之手矣使人

探視去了。至今未回。忽報新城打細人來到。孔明喚入問之。細作告曰：司馬懿倍道而行，八日已到新城。孟達措手不及，又被申耽、申儀、李輔、鄧賢爲內應。孟達被亂軍中所殺。今司馬懿徹兵到長安，見了魏主，同張郃引兵出關來拒丞相之師也。孔明大驚曰：孟達作事不密，死固當然。今對下司馬懿出關，必取街亭。斷吾咽喉之路也。誰可去守？言未畢，參軍馬謖曰：某願往。孔明曰：街亭雖然小可之城，下係有泰山之重，倘街亭有失，吾大軍皆休矣。汝雖深通謀畧，此地奈無城郭，又無險阻，所守極難。謖曰：某自幼力學，到今，豈不知兵法也。量一街亭，不能守之，要某何用？耶？孔明

曰：街亭正北，吾之咽喉。若咽喉斷絕，吾豈能生也？街亭一

失，蜀兵休矣。况司馬懿非等閑之輩，更有先鋒張郃之勇。

此三言便不該用之矣。曹叡反在司馬懿、張郃之土乎。智謀過人，乃魏之名將也。恐汝不能敵之。謖曰：休道司馬

懿、張郃，便是曹叡親來，有何懼哉？若有差失，乞斬全家。孔明曰：軍中無戲言。謖曰：願立軍令。狀孔明從之。謖遂寫了軍令，狀呈上。孔明曰：吾與汝二萬五千精兵，再撥一員上將相助你去。卽喚王平分付曰：吾素知汝平生謹慎，故託汝去。汝可小心謹守此地。地下寨當要道之處，使賊兵急且不能偷過也。如安了營寨，便畫四至八道地理形狀圖本，將來凡事商議停當而行，不可輕易。如所守無危，則是取

長安第一之功也戒之戒之二人拜辭引兵而去孔明尋

思恐二人有失又喚高翔曰街亭東北上有一城名列柳

城乃山僻小路此可以屯軍扎寨與汝一萬兵去此城屯

劉但街亭危可引兵救之高翔引兵而去孔明又思高翔

非張郃之對手必得一員大將屯兵於街亭之右足可防

之遂喚魏延曰汝可引本部兵去街亭之後屯劄待兵來

汝可應之延曰某為前部理合當先破敵萬死不辭何故

置某於安閑之地耶孔明曰令汝接應街亭當陽平關衝

要道路總守漢中咽喉此乃大都督之任也何為安閑乎

汝勿以等閑視之失吾大事前鋒破敵者乃偏裨之將耳

汝宜小心以代吾權魏延大喜引兵而去孔明恰纔心安

乃喚趙雲鄧芝分付曰今司馬懿出兵與舊日不同汝二

人各引一軍出箕谷以為疑兵如逢魏兵或戰或不戰以

驚其心吾自統大軍由斜谷逕取郿城若得郿城長安可

破矣二人受命而去孔明令姜維作先鋒兵出斜谷却說

馬謖王平二人兵到街亭看了地勢馬謖笑曰丞相何故

多心也量此山僻之處魏兵如何敢來王平曰雖然魏兵

不敢來可就此五路總口下寨却令軍士伐木為柵以圖

久計謖曰當道豈是下寨之地也馬謖極似今時考得起的秀才一味自是如此處側邊一山四面皆

不相連且樹木極廣此乃天賜之險也可就山上屯軍平

曰：參軍差矣。若屯兵當道，築起城垣，賊兵總有十萬，不能過也。今若棄此要路，屯兵於山上，倘魏兵驟至，四面圍定，將何策保之？謾大笑曰：汝真女子之見。兵法云：『凭高視下，勢如劈竹。』若魏兵到來，吾教他片甲不回也。平曰：『吾累隨丞相經陣，每到之處，丞相盡意指教。今觀此山，乃絕地也。若魏兵斷其汲水之道，軍不亂自亂矣。』謾曰：『汝莫亂道。』孫馬謖一味胡說，只為說得許多兵書耳。今人記得多，子云：置之死地而後生。若魏兵絕其汲水之道，自是取死的前，然見得少也。耳。蜀兵豈不死戰以一可當百也。吾素讀兵書，深通謀畧。丞相諸事尚問於吾，汝何等之人，安敢阻也。平曰：『若參軍欲在山上，下寨可分兵五千於吾，自於山西下一小寨，為犄角之勢，倘魏兵至，可以應之。』王平累次苦諫，馬謖堅執不從。忽然山中居民成隊飛奔而來，報說魏兵到來。王平辭去，馬謖曰：『汝既不聽吾令，與汝五千兵待吾破了魏兵。』到丞相面前，須分不的功也。王平引兵離山十里，下寨畫成圖本，星夜差人去稟孔明。說馬謖自於山上下寨，又聞高翔屯軍於列柳城，魏延屯軍於中路，馬謖並無懼怯之意。却說司馬懿在城中，令次子司馬昭去探前路。又令先鋒張郃引馬步軍前去哨探。若街亭有兵守，御即按兵不行。小卒依令探了一遍，回說街亭有兵守，把皆屯於山上。司馬昭回見父曰：『街亭有兵守，把懿歎曰：諸葛亮真乃神』

神

三國志
可見可見

人吾不如也。昭笑曰：父親何故自墮志氣耶？愚男料街亭易取。懿問曰：汝安敢出此言也？昭曰：男與小卒親自哨見當道並無寨柵，路傍有一軍，皆屯於山上，故知可破也。懿大喜曰：若兵果在山上，乃天意使吾成功矣。乃更換衣服，引十餘騎自來觀之。是夜天晴月朗，直至山下，周迴巡哨了一遍，方回。馬謖在山上見之，大笑曰：彼若有命，不來圍山。傳令與諸將，倘兵來，只看山頂上紅旗招動，即四面皆下。却說司馬懿回到寨中，使人打聽，是何將引兵守街亭。一人報曰：乃馬良之弟馬謖也。懿笑曰：此乃庸才耳。諸葛亮雖有才智，不識人物。此輩爲將，何事不誤？又喚張郃問曰：街亭左右，別有軍否？郃曰：離山十里有王平安營。懿曰：汝可引一軍當住王平來路，吾令申耽、申儀引兩路兵圍山，先斷了汲水道路，蜀兵自亂矣。却乘虛擊之，街亭可取也。當夜調度已定。次日天明，張郃引兵先往背後去了。司馬懿大驅軍馬，一擁而進，喊聲起處，把山四面圍定。但有汲水道路，皆以精兵圍之。馬謖在山上看時，只見魏兵漫山遍野，旌旗隊伍，甚是嚴整。蜀兵見之，皆喪其膽，不敢下山。馬謖將紅旗招動，軍將皆你我相推，無一人敢動。謖大怒，自殺。二將衆軍驚懼，只得努力下山，來衝魏兵。魏兵端

然不動。蜀兵又退上山去。馬謖見事不諧，教軍緊守寨門。

只等外應却說王平見魏兵到引軍殺來正遇張郃戰有數十餘合平力窮勢孤只得退去魏兵自辰時困至戌時山上無水軍不得食寨中大亂馬謖禁止不住攘到半夜時分山南蜀兵大開寨門下山降魏盡被殺之司馬懿令人於沿山放火軍士驚慌馬謖料守不住驅兵殺下山西懿放條大路讓過馬謖背後張郃引兵追來趕到三十餘里前面鼓角齊鳴一彪軍出放過馬謖攔住張郃視之乃前督部鎮北將軍都亭侯魏延也延揮刀縱馬直取張郃郃回軍便走延驅兵趕來復奪街亭趕到五十餘里一聲喊處兩邊伏兵齊出左邊司馬懿右邊司馬昭却抄在魏

延背後把延困在垓心張郃復來三路兵合在一處要擒魏延未知性命如何且聽下回分解

孔明智退司馬懿

却說魏延被魏兵困在垓心左衝右突不得脫身兵折大半正危急之間忽然喊聲大至一彪軍殺入乃是牙門將裨將軍王平也延大喜曰吾得生矣二將合兵一處大殺一陣魏兵方退二將慌忙奔回寨時營中皆是魏兵旌旗寨中忽見申耽申儀殺出王平魏延逕奔列柳城來投高翔此時高翔聞知街亭有失盡起列柳城之兵前來救應正遇延平二人言說已折了三處如何去見丞相高翔曰

不如今晚去劫魏寨再復街亭當時三人在山坡下商議已定待天色將晚兵分三路却說魏延引兵逕到街亭不見一人心中大疑未敢輕進且伏在路口等候忽見高翔兵到二人共說魏兵不知在何處正沒理會不見王平兵到忽然一聲砲響火光冲天鼓聲震地魏兵齊出把魏延高翔圍在垓心二人往來衝突不得脫身忽聽的山坡後喊聲若雷一彪軍殺入乃是王平救了高翔二人逕奔列柳城來比及奔到城下時城邊早有一軍殺到旗上大書魏都督郭淮字樣此時郭淮與曹真商議恐司馬懿得了全功乃分淮來取街亭聞知司馬懿張郃成了此功遂引

兵逕撲列柳城正遇三將但是蜀兵皆從魏兵內殺出來中傷者大半如何戰得力生兵因此又被郭淮大殺一陣魏延恐陽平關有失慌與王平高翔望陽平關來却說郭淮收了軍馬乃與左右曰吾雖不得街亭却取了列柳城亦是大功也引兵逕到城下叫門只見城上一聲砲響旗幟皆豎當頭一面大旗上書平西都督驃騎大將軍司馬懿懿撐起懸空板倚定護心木欄干大笑曰郭伯濟來何邊也淮大驚曰吾今已不出仲達之手矣遂入城相見已畢懿曰今街亭已失諸葛亮必走公可速與子丹星夜追之郭淮從其言出城而去懿喚張郃曰子丹伯濟恐吾全

獲大功。故取此地城池。吾非獨欲成功。乃僥倖而已。吾料魏延王平馬謖高翔等輩。必先去據陽平關也。吾若去取此關。諸葛亮必隨後掩殺中其計耳。兵法云。歸師勿掩。窮寇莫追。若追必死敵手。吾今却從小路抄蜀兵之後。盡奪其輜重。汝可從小路抄箕谷退兵。吾自引兵當斜谷之兵。若彼敗走。不可相拒。只宜中途截住。馬匹輜重。可盡得也。張卻受計。引兵一半去了。懿下令。逕取斜谷中道。必至西城。西城縣名。蜀峽西。雖然山僻小縣。乃蜀兵屯糧之所。西城乃南安天水安定三郡總路。若得此城。三郡再可復矣。於是司馬懿留申耽申儀守列柳城。自領大軍。取三路而進。却說

孔明自令馬謖等守街亭去後。猶豫不定。忽報王平使人送圖本至。孔明喚入。左右呈上圖本。孔明就文几上拆開視之。孔明看畢。拍案大驚曰。馬謖真匹夫。坑陷吾軍。早晚必有長平之禍也。遲了急欲差人去換馬謖回還。長史楊儀問曰。丞相何大驚乎。孔明曰。吾觀此圖本。失却要路。占山爲寨。倘魏兵大至。四面圍合。斷其汲水道路。不須二日。軍自亂矣。若街亭有失。吾等何歸也。儀曰。某雖不才。願替馬幼常回孔明將安營之法。一一分付與楊儀。却待要行。忽報馬到人說街亭列柳城盡皆失了。孔明跌足長歎曰。太事去矣。吾之過也。急喚關興張苞分付曰。汝二人各引三千

精兵投武功山小路而行如遇魏兵不可大擊只鼓譟吶
噉爲疑兵驚之彼自走矣亦不可追之待軍退盡便投陽
平關去又令張翼先去引軍修理劔閣以備歸路又傳令
教大軍暗暗收拾行裝以備起程又令馬岱姜維斷後先
伏於山谷中待諸軍退盡方始收兵又令馬忠引兵去搗
曹真廝殺又差心腹人分路報與天水南安安定三郡官
吏軍民皆入漢中孔明分撥已定先引五千精兵退去西
城縣連夜催併各處兵皆歸漢中此時孔明正在西城搬
運糧草忽然十餘次飛報馬到說司馬懿引大軍十五萬
望西城風擁而來孔明身邊別無大將止有一班兒文官

所引五千軍已分了一半先運糧草去訖只有二千五百
軍在城中衆官聽的這般消息盡皆失色孔明登城望之
果然塵土冲天兩路分兵望西城縣而來只見西城之分
塵土紛紛紅日昏暗遂傳令教將旌旗盡皆隱匿諸軍各
守城鋪如有妄行出入及高大言語者斬之○大○胆○不○然○鮮○不○敗○者○大開四門每
一門上用二十軍士扮作百姓灑掃街道如魏兵到時不
可擅動吾自有計孔明乃披鶴氅戴華陽巾引二小童携
琴一張於城上敵樓前凭欄而坐焚香操琴却說司馬懿
前軍哨到城下見了如此模樣皆不敢進急報與司馬懿
懿笑而不信遂止住二軍自飛馬遠遠望之正見孔明坐

於城樓之上笑容可掬焚香操琴左有一童子手捧寶劍
右有一童子手執麈尾城門內外有二十餘百姓低頭灑
掃倘若無人懿看畢大疑便到中軍教後軍作前軍前軍
作後軍望北山路而退次子司馬昭笑曰莫非諸葛無軍
故作此態○好○見○子○親何太持疑而退兵也懿曰亮平生謹慎不
曾弄險今大開城門必有埋伏我兵若進中其計也汝輩
豈知可宜速退因此兩路兵盡皆退去孔明見魏軍遠去
撫掌而笑衆官無不駭然乃請問孔明曰司馬懿乃魏之
名將今統十五萬精兵到此見了丞相便速退去何也孔
明曰此人料吾生平謹慎必不弄險見如此規模疑有伏

兵退去因不得已而用之乃是真話後人毋誤試此也吾非行險蓋因不得已而用之此人必引軍投山

北小路而夫也吾已令興苞二人在彼等候衆皆驚伏曰
丞相之機神鬼莫測若以其等之心必棄城而走矣孔明
曰吾兵止有二千五百若棄城而走必不能遠遁皆被司
馬懿所擒也故以此計疑之靜軒先生有詩曰

仲達深謀善用兵孔明妙算鬼神驚臨危解作疑兵計
十萬曹兵怕近城

言訖拍手大笑曰吾若是司馬懿必有別論矣遂下令教
西城百姓隨軍入漢中司馬懿必復來也於是孔明遂離
西城望漢中而走天水安定南安三郡官吏軍民陸續而

來却說司馬懿望武功山小路而走忽然山坡後鼓聲震地喊殺連天懿回顧二子曰吾若不走必中諸葛亮之計矣只見大路上二軍殺來旗上大書右護衛使虎翼將軍張苞魏兵皆棄甲拋戈而走行不到一程山谷中喊聲震地鼓角喧天前面一杆大旗上書左護衛使龍驤將軍關興山谷應聲不知蜀兵多少更兼魏軍心疑不敢久停只得盡棄輜重而去興苞二人皆遵將令不敢追襲多得軍器糧草而歸當時司馬懿見山谷中皆有蜀兵不敢出大路遂回街亭此時曹真聽知孔明退兵急引兵追趕山背後喊聲震地鼓角喧天蜀兵漫山遍野而來爲首大將乃

是姜維馬岱真大驚急退軍時先鋒陳造已被馬岱斬之真引兵鼠竄而還蜀兵連夜皆奔回漢中却說趙雲鄧芝伏兵於箕谷道中聽得孔明傳令回軍二人商議曰魏軍知吾兵退必來追也子龍多智吾先引一軍伏於其後公却引兵打吾旗號徐徐而退吾一步步自有護送也却說郭淮提兵再回箕谷道中乃喚先鋒蘇顥分付曰蜀將趙雲世之英雄非等閑之輩汝可小心隄防彼軍若退必有計也蘇顥欣然曰都督若肯接應某當生擒趙雲遂引前部三千兵奔入箕谷看看趕上蜀兵只見山坡後閃出紅旗白字上書趙雲蘇顥急收兵退走行不到數里喊聲大震一彪軍

撞出為首大將挺鎗躍馬大喝曰汝識趙子龍否蘇顛大驚曰這裏又有趙雲吾不能生矣措手不及被子龍一鎗刺死於馬下餘軍潰散子龍迤邐前進背後又一軍到乃郭淮部將萬政也來與蘇顛報讐子龍見魏兵追急乃勒馬挺鎗立於路口待來將交鋒蜀兵約行三十餘里魏兵尚然不到萬政認得是子龍不敢前進子龍等的天色黃昏方纔撥回馬緩緩而進郭淮兵到萬政言子龍英雄如舊因此不敢近前淮傳令教軍急趕政領數百騎壯士趕來行至一大林忽聽得背後大喝一聲曰趙子龍在此驚得魏兵落馬者百餘人餘者皆越嶺而去萬政欲勉強來

敵被子龍

子龍

龍之

射中

盈

纓

驚

跌

於

澗

中

子龍

以

鎗

指

之

曰

吾饒汝性命回歸快教郭淮趕來萬政脫命而回子龍護送車仗人馬望漢中而去沿途並無遺失曹真郭淮復奪三郡以為已功却說司馬懿分兵而進此時蜀兵盡回漢中去了懿引一軍復到西城因問遺下居民及山僻隱者皆言孔明止有二千五百軍在城中又無武將只有幾箇文官別無埋伏武功山士民告曰關興張苞各有三千軍轉山吶喊鼓譟驚追又無別軍仲達全不敢廝殺懿悔之不及仰天歎曰吾不如孔明也遂按軍法安撫了諸處官民引兵還長安朝見魏主獻曰今日復得隴西諸郡皆卿之

功也懿奏曰今蜀兵皆在漢中未盡勦滅臣乞天下之兵併力收川以報陛下獻大喜令懿即便興兵忽班內一人出而奏曰臣有一計以獻陛下足可定蜀吳也未知獻計者何人且聽下回分解

總評

馬。謖。妄。自。尊。大。一。味。糊。塗。一。味。自。是。及。到。魏。兵。圍。定。莫。展。一。籌。惟。待。救。兵。而。已。極。似。今。時。說。大。話。秀。才。平。時。議。論。鑿。鑿。可。聽。孫。吳。不。及。也。及。至。臨。事。惟。自。縮。頸。吐。舌。而。已。真。可。發。一。大。噓。也。

第九十六回

孔明揮淚斬馬謖

却說獻計者乃尚書孫資也魏主曹叡問曰卿言若何資奏曰昔太祖武皇帝收張魯之時危而後濟常對羣臣曰南鄭之地南鄭即漢中府真為天獄中斜谷道為五百里石穴非用武之地也今若盡起天下之兵則東吳又入寇矣願陛下深慮之不如以見在之兵分命大將據住險要以鎮邊疆則百姓可安也不過數年中國日盛吳蜀二國必自相殘害那時圖之豈不勝算乞陛下聖鑒獻大悟乃問司馬懿曰此論若何懿奏曰此言乃公論易安之理也獻從之

命懿分撥諸將守把險要留郭淮張郃守長安大賞三軍
馬回洛陽却說孔明回到漢中計點將士只少趙雲鄧芝
心中甚憂乃令關興張苞各引一軍接應二人正欲起身
忽報趙雲鄧芝到來並不曾折一人一騎輜重等器亦無
遺失孔明大喜親引諸將出迎子龍慌忙下馬伏地而言
曰敗軍之將何勞丞相遠接孔明自覺羞慚急扶起子龍
執手而言曰是吾不識賢愚以致如此各處兵將敗損惟
子龍自然不同不折一人一騎何也鄧芝告曰子龍獨自斷後某引
兵任意先行子龍斬將立功驚怕敵人因此軍資什物不
曾遺棄豈有失軍也孔明稱賀曰真將軍也遂歸本寨取

庫內金五十斤以贈子龍又取絹一萬疋以賞諸軍子龍
辭曰三軍無尺寸之功某等俱各有罪若蒙反受其賞乃
丞相賞罰不明也且請寄庫候今冬賜與諸軍未遲孔明
歎曰先帝在日嘗稱子龍之德今果如此言不謬也乃倍
加欽敬忽報馬謖王平魏延高翔至孔明先喚王平入帳
責之曰吾令汝同馬謖守街亭汝何不諫之平曰某再三
相勸要在當道築土城安營守把參軍大怒責令無禮某
因此自引五千軍離山十里下寨魏兵驟至把山四面圍
合鐵桶相似某引兵衝殺十餘次皆不能入次日土崩五
解降者無數某孤軍難立故投魏延求救半途又被魏兵

困在山谷之中。某奮死殺出。比及歸寨。早被魏兵古了。及投列柳城時。路逢高翔。遂分兵三路去劫魏寨。指望克復街亭。某見街亭並無伏路。軍以此心疑。登高望之。只見魏延高翔被魏兵圍住。某又殺入重圍。救出二將。就同叅軍併在一處。某恐失却陽平關。因此急來回守。非某之不諫也。丞相不信。可問各部將校。便見某之忠義矣。孔明喝退又喚馬謖入帳。謖自縛跪於帳前。孔明變色曰。汝自幼飽讀兵書。熟諳戰策。吾累次丁寧告戒。街亭是吾根本。汝以全家之命。領此重任。今復如何。謖告曰。某因魏兵勢大。不能抵當。以致如此。孔明曰。亂道。汝若早聽王平之言。豈有

此禍。今敗軍折將。失地陷城。皆汝之過也。若不明正典刑。難逃軍律。汝今正犯軍法。休得怨吾。汝之家小。吾按月給與俸祿。汝不必掛心。叱左右推出斬之。謖泣曰。丞相視某如子。某以丞相爲父。某之死罪。實已難逃。願丞相思舜帝當日。殛鯀。用禹之義。使某雖死。亦無恨於黃泉之下也。言訖大哭。孔明揮淚曰。吾與汝義同兄弟。汝之子。卽吾之子。吾安忍不用之。汝速正軍法。勿多牽掛也。左右推出馬謖於轅門之外。三軍感動不已。忽叅軍蔣琬自成都至。正見武士欲斬馬謖。琬大驚。高叫留人。入見孔明曰。昔楚殺得臣。而文公喜。今天下未定。而戮智謀之臣。豈不可惜乎。孔

明流涕而答曰昔孫武能制勝於天下者用法明也今四

海分爭干戈交接若復廢法何以討賊耶此處大執然不執不足以為法也然言過其實之人亦台當斬之須臾

武士獻馬謖首級於階下孔明大慟不已不足惜也蔣琬問曰今幼

常得罪既正軍法丞相何故痛哭耶孔明曰吾非為馬謖

而痛謖與吾義同父子今違令斬之又何悔焉吾想先帝

在白帝城臨危之時曾囑吾曰馬謖言過其實不可大用

今果應此言乃深恨已之不明追思先帝之明因此大痛

也大小將士無不流涕馬謖亡年三十九歲時建興六年

夏五月也後人有詩曰

失守街亭罪不輕堪嗟馬謖枉談兵轅門斬首嚴軍法

拭淚猶思先帝明

又詩曰

賞罰分明可告軍賞無讐恨罰無私街亭敗失堪誅戮

灑淚成行勸後人

却說孔明斬了馬謖將首級遍示各營已畢用線縫在屍

上具棺葬之自修祭文享祀將謖家小用好意撫恤按月

給與俸祿於是孔明自作表文令蔣琬中奏後主自貶丞

相之職琬回成都入見後主進上孔明表章後主拆視曰

臣本庸才叨竊非據親秉旄鉞以勵三軍不能訓章明

法臨事而懼至有街亭違命之闕箕谷不戒之失咎皆

在臣授任無方臣明不知人極事多闕春以責備臣職
是當請自貶三等以督厥咎臣不勝慚愧俯伏待命

後主覽畢而言曰勝負者兵家之常事丞相乃一國之大老
元臣豈可輕易出此言也遂遣使下詔宜當舊職侍中費

費禕此處甚是倪悅後來見孔明又何世情甚也為孔
禕奏曰臣聞治國者必以奉法為重法若不行何以服人
明所擯絕寧不愧非人何可世情也戒之戒之

耶丞相敗績自行貶降正其宜也若復原職何以激勸羣
下乎後主從之貶孔明為右將軍行丞相事照舊總督軍

馬就命費禕齎詔逕到漢中孔明受詔貶降訖禕恐孔明
羞赧乃賀曰蜀中之民皆知丞相拔西縣入川深以為喜
孔明變色曰是何言也普天之下莫非漢民國家威力不

舉使百姓困於豺狼之口一夫有死吾之罪也汝此稱賀

豈不指吾而罵耶心實為愧禕又曰近聞丞相得姜維天

子甚喜孔明大怒曰兵敗師還不曾奪得寸土此吾之大
費禕要死可耻可戒

罪也量得一姜維於魏何損西縣之民安能補街亭喪失
之事乎汝之此言非但賀吾乃諂佞也禕惶恐辭次日又

與孔明曰丞相見統雄師數十萬再可伐魏乎孔明曰昔
大軍屯於祁山箕谷之時我兵多如賊兵而不能破賊反

遭賊兵所破此病不在兵之多少皆在主將耳今欲減兵
省將明罰思過須要計較變通之道於將來若不能然者
雖兵多何用自今以後諸人有遠慮於國者但勤攻吾之

關責吾之短則事可定賊可滅功可翹足而待矣費禕諸將皆拜稱其德後人有詩讚曰

好道學詩哭也笑也責人之心堪責已恕已之心好恕人當年諸葛求聞過便是曾參自省身

自費禕回成都孔明在漢中惜軍愛民勵兵講武置造攻城渡水之器聚積糧草預備戰筏以為後圖細作探知報入洛陽魏主曹叡聞之大驚即會文武欲起大軍來取西川未知如何且聽下回分解

陸遜石亭破曹休

此時大蜀建興六年乃魏太和二年夏五月也叡召司馬懿商議收川之策懿曰蜀未可攻也方今天道亢災兵必

不出若我軍深入其地彼守其險要安可攻之叡曰倘蜀兵再來入寇如之奈何懿曰臣已算定今番諸葛亮必效

韓信暗度陳倉道矣陳倉山名屬南直隸臣已先委下一人在陳倉

道口築起城池以守之必萬無一失也此人身長九尺猿臂善射深有謀畧忠義凜然若諸葛亮入寇此人足可當

之若從他道暗進則懼有陳倉之城必不敢深入也叡大喜問曰此何人也懿奏曰乃太原人姓郝名昭字伯道也

見為雜霸將軍鎮守河西數十餘年民皆欽仰諸葛亮見有此人必不敢進矣叡從之加郝昭為鎮西將軍命守把

陳倉道曰遣使持詔去訖忽報揚州司馬大都督曹休上表說東吳鄱陽太守周魴字子魚乃吳郡陽羨人也密遣人陳言七事說東吳可破乞早發兵以取之後定江南勿誤幸甚獻就御案上展開與司馬懿同觀已畢懿奏曰此言極有理吳當滅矣臣願引一軍以助曹休獻大喜欲令起兵忽班部中一人進曰吳人之言反覆不一未可深信必是誘兵之詭計也眾視之乃河東襄陵人也姓賈名達字梁道官授建威將軍多從太祖武皇帝征進深通謀畧懿問曰梁道知東吳虛實耶達曰吾在邊庭素知孫權在武昌西從江夏東取盧江常時入寇周魴乃智謀之士必不肯降吾故知其詳也懿曰此言亦不可不聽機會亦不可錯失梁道當與吾去同助曹休遂奏准魏主令三路進兵曹休引大軍逕取皖城賈達引前將軍滿寵東皖太守胡質逕取陽城直向東關司馬懿本部軍逕取江陵皖城即今安慶陽城即今麻城江陵即今荊州賞軍已畢望東安進發却說吳主孫權在武昌東關會多官商議曰今有鄱陽太守密表告稱總督揚州曹休有入寇之意今太守詐施詭計暗陳七事引誘魏兵深入重地可設伏兵擒之則絕吳之難矣今魏兵分三道而來諸卿有何高見顧雍進曰此大任非陸伯言不敢當也權大喜乃召陸遜封為輔國大將軍平北都元

不

三國志
師統御林大兵攝行王事授以白旄黃鉞文武百官皆聽
約束權親自與遜執鞭遜領命謝恩畢乃保三人爲左右
都督分兵以迎三道權從之命吳郡吳人姓朱名桓字休
穆爲左都督冠帶奮武將軍嘉興侯又命吳郡錢塘人姓
全名琮字子璜爲右都督綏南將軍錢塘侯各領軍馬權
自送之於是陸遜總率江南八十一州并荆湖之衆七十
餘萬令左都督朱桓在左右都督全琮在右遜自居中三
路進兵朱桓乃獻策曰曹休以金枝玉葉之貴而得大任
非智勇之良將也今聽周魴誘言深入重地元帥若用兵
擊之曹休必敗矣敗後必走兩條路左乃夾石右乃桂東

夾石桂東
供地名

此二條路皆山僻小徑也險峻極多某願與全

琮各引一軍伏於山險先以柴木大石塞斷其路彼衆可

降曹休可擒矣若擒了曹休便長驅直進唾手而得壽春

則諸路可圖也此乃掃蕩天下之策請元帥察之遜曰吾
自有妙用汝勿狂圖於是朱桓懷不平而退遜令諸葛瑾
等拒守江陵以敵司馬懿諸路皆已調撥停當却說曹休
兵臨皖城周魴來迎迺到曹休帳下休問曰近得足下之
書所陳七事深爲有理奏聞天子故起大軍三路進發若
得江東之地足下之功不小則吾之位可得矣累有人言
足下多謀誠恐於中不實吾未深信足下料必不爲此等

事也。周魴大哭，急掣從人所佩劍，欲刎。休急止之。魴仗劍而言曰：「吾所陳七事，恨不能吐出肝心。今反生疑，必有吳人使間諜之計也。若聽其間諜，吾必死矣。吾之忠心，惟天可表。言訖，又欲自刎。曹休大驚，慌忙抱住曰：「吾戲言爾，足下何自害耶？」魴乃用劍割髮，擲於地曰：「吾以忠心待公，公以吾為戲。吾割父母所遺之髮，以表真誠也。」曹休深信，設宴相待，席罷，周魴辭去。忽報建威將軍賈逵來見，休令人問曰：「汝此來為何？」逵曰：「某料東吳之兵必盡屯於皖城，都督不可進也。待某兩下夾攻，賊兵可破矣。」休怒曰：「汝欲奪吾功也。」逵曰：「又聞周魴截髮為誓，此乃詐也。昔要離斷背，刺殺慶忌，此未可深信也。」休大怒曰：「吾正欲進兵，汝何故出此言以慢軍心耶？」汝要兵進東關，却幹頭功，以瞞吾之能也。」叱左右推出斬之。眾將告曰：「未及進兵，先斬大將，於軍不利也。」且乞暫免。休從之。將賈逵兵留在寨中，調用。自引一軍來取東關。此時周魴聽知賈逵削去兵權，暗喜曰：「曹休若用賈逵之計，則東吳敗矣。」今一處進兵，乃天使我成功也。」即遣人密到皖城，報知陸遜。遜喚諸將聽令曰：「前面石亭，雖是山路，足可埋伏。早先去占石亭，闊處布成陣，勢以待魏軍。遂令徐盛為先鋒，引兵前進，却說曹休命周魴引兵而進。正行間，休問曰：「前至何處？」魴曰：「前面石亭也。」

惟敵人方能知本國賢否包周魴非賈逵知已耶

堪以屯兵休從之遂率大軍并車仗等器盡赴石亭駐劄
 次日哨馬報道前面吳兵不知多少據住山口休大驚曰
 周魴言無兵何為有準備也急尋魴問之人報曰周魴引
 數十人不知何處去了休大悔曰吾中老賊之奸計也雖
 然如此有何懼哉遂令大將張普為先鋒引數千兵來與
 吳兵交戰兩陣對圓普出馬罵曰賊將早降徐盛出馬相
 迎戰無數合普力不能抵勒馬收兵回見曹休言徐盛勇
 不可當休曰吾當以奇兵勝之就令張普引二萬軍伏於
 石亭之南又令薛喬引二萬軍伏於石亭之北明日辰時
 吾引一千兵搦戰却佯輸詐敗誘到北山之前放砲為號

好奇兵真奇真奇

三面夾攻徐盛可擒矣二將受計各引二萬軍到晚埋伏
 去了却說陸遜喚朱桓全琮分付曰汝二人各引三萬軍
 從石亭山路抄到曹休寨後放火為號吾親率大軍從中
 路而進可擒曹休也當日黃昏二將受計引兵而進是夜
 二更朱桓引一軍正抄到魏寨後迎着張普伏兵普不知
 是吳兵逕來問時被朱桓一刀斬於馬下魏兵便走桓令
 後軍放火於是全琮引一軍抄到魏寨後正撞在薛喬陣
 裏就那裏大殺一陣薛喬敗走魏兵大損奔回本寨後面
 朱桓全琮兩路殺來曹休寨中大亂自相衝擊休慌上馬
 望夾石道奔走徐盛引大隊軍馬從正路殺來魏兵死者

不可勝數降者萬餘逃命者盡棄衣甲曹休大驚在夾石道中奮力奔走忽見一彪軍從小路挺出爲首大將乃建威將軍賈逵也休驚慌少息逵接着曹休并敗殘兵休自愧曰吾不用公言果遭此敗幸得足下之兵可待後軍也逵曰都督可速出此道若被吳兵以木石塞斷我等皆危矣於是曹休驟馬而去賈逵斷後逵於林木盛茂之間及險峻小徑之處多設旌旗以爲疑兵不時後面徐盛趕到見山坡下閃出旗角疑有埋伏不敢追趕收兵而回因此救了曹休司馬懿聽知休敗亦引兵退去却說陸遜正望捷音須臾徐盛朱桓全琮皆到所得車仗牛馬驢騾軍資器械不計其數降兵數萬餘人遜大喜卽同太守周魴并諸將班師還吳吳王孫權領文武官僚出武昌城迎接以御蓋覆遜而入以上品珍寶之物賜之諸將盡皆陞賞權見周魴無髮遂勞曰卿斷髮成此大事功名當書於竹帛也卽封周魴爲關內侯大設筵會勞軍慶賀陸遜奏曰今曹休大敗魏已喪膽可修國書遣使入川教諸葛進兵攻之權從其言遂遣使齎書入川去了未知孔明再來伐魏勝負如何且聽下回分解

總評

做人極忌周旋世務俯仰他人面孔以爲榮辱一遇

正人色色破綻真如戲場丑淨徒供人訕笑而已但看費禕之於孔明便是樣子

二鈍士問曰周魴卽欲取信曹休亦何必截髮乎身體髮膚受之父母卽爲忠臣亦不得爲孝子矣梁溪葉仲子見其腐氣可掬故譴之曰渠尚有深意公未及知鈍士急問之曰何意曰渠意恐怕此事不成欲向虎丘山中作一和尚耳聞者大笑

第九十七回

孔明再上出師表

時大蜀建興六年秋九月魏都督曹休被陸遜大破於石亭車仗馬匹軍資器械並皆罄盡休惶恐太甚連夜奔走因此氣憂成病到洛陽發背而死賈逵面奏魏主獻大痛不已勅厚葬之須臾司馬懿引兵而還衆將接入問曰曹都督兵敗卽元帥之干係何故急回耶懿曰吾料諸葛亮知吾兵敗必乘虛來取長安也倘隴西緊急何人救之吾故回耳衆皆以爲怯懼哂笑而退却說東吳遣使將請兵伐魏之書并大破曹休之事細奏後主一者顯自己威風

二者通和會之好。後主大喜，令人持書去漢中，報與孔明。說曹休兵敗而死。此時孔明兵強馬壯，糧草豐足，所用之物一切完備。正要出師，聽知此言，欣然而喜，即設宴大會。諸將計議出師，忽一陣大風自東北角上而起，把庭前松樹吹折，衆皆大驚。孔明就占一課曰：「此風主損一大將也。」諸將未信。正飲酒之間，忽報鎮南將軍趙雲長子趙統次子趙廣來見丞相孔明，大驚擲杯於地曰：「子龍休矣。」二子入見拜哭曰：「某父昨夜三更病重而死，衆皆痛哭。孔明跌足而哭曰：「今歲不想喪了許多將佐，今日子龍又死，乃國家一棟梁，吾去一臂也。」孔明哭罷，遂令二子入成都，而

君後主聽言，放聲大哭曰：「朕昔年幼，非子龍必死於亂軍之中矣。」即下詔厚葬，謚封大將軍順平侯，勅葬於成都錦屏山東邊，建立廟堂，四時享祭。命太常致祭。詔曰：

雲昔從先帝，功蹟既著，朕以幼冲，涉途艱險，賴恃忠順，濟於危險。夫謚所以叙元勳也。經營天下，遵奉法度，當陽之役，義貫金石，忠以衛上，君念其實，禮以厚下，臣忘其死。死者有知，足以不溺；生者感恩，足以殞身。謹按謚法，柔賢慈惠曰順，執事有班曰平。故特賜大將軍順平侯主者施行。

後史官有廟贊曰：

三國志
救主功勳大，興邦名譽彰。扁舟飛漢水，匹馬向南陽。義膽包身體，忠心並日光。雷芳青史上，應是與天長。

又靜軒先生詩曰：

匹馬單鎗敢獨行，摧鋒破敵任縱橫。皆稱飛虎一身膽，不負英雄千古名。黑髮當陽扶幼主，白頭箕谷保殘兵。忠心到底無移改，謚法還應得順平。

又詩曰：

一馬能將萬騎衝，西除東蕩掃羣兇。塵兵戀戰全忠者，惟有常山趙子龍。

却說後主將子龍祭葬已畢，封趙統爲虎賁中郎，封趙廣爲牙門將，就令守墳。二人辭謝去了。忽近臣奏曰：「諸葛丞相將軍馬分撥已定，乃令楊儀再上出師表，後主就御案上拆覽表曰：

先帝深慮漢賊不兩立，王業不偏安，故託臣以討賊也。以先帝之明量臣之才，故知臣伐賊才弱敵強也。然不伐賊，王業亦亡，惟坐而待亡，孰與伐之？是故託臣而勿疑也。臣受命之日，寢不安席，食不甘味，思惟北征，宜先入南，故五月渡瀘，深入不毛，并日而食，臣非不自惜也。顧王業不可偏安於蜀都，故冒危難以奉先帝之遺意。而議者謂爲非計，今賊適疲於西，又驚於東，兵法乘勞。

此進趨之時也謹陳其事如左高帝明並日月謀臣淵今人說得孔明便如天神戰無不勝攻無不克其自深然陟險被創危然後安今陛下未及高帝謀臣不如序述不過如此而已此真情實不比他後人誇張也良平而欲以長計取勝坐定天下此臣之未解一也劉繇王朗各拒州郡論安言計動引聖人羣疑滿腹眾難塞胸今歲不戰明年不征使孫策坐大遂併江東此臣之未解二也曹操智計殊絕於人其用兵也彷彿孫吳然困於南陽險於烏巢危於祁連偏於黎陽幾敗北山殆死潼關然後偽定一時爾况臣才弱而欲以不危而定之此臣之未解三也曹操五攻昌霸不下四越巢湖不成任用李服而李服圖之委任夏侯而夏侯敗亡先

觀此此又則老瞞少孔明之所謂服也帝每稱操為能猶有此失况臣駕下何能必勝此臣之未解四也自臣到漢中中間期年爾然喪趙雲陽羣馬評此失真則高下也王閻芝丁立白壽劉邵鄧銅等及曲長屯將七十餘人突將無前五十餘人寶叟青羌散騎武騎一千餘人此皆數十年之內所糾合四方之精銳非一州之所有若復數年則損三分之二也當何以圖敵此臣之未解五也今民窮兵疲而事不可息事不可息則住與行勞費正等而不及早圖之欲與一州之地與賊持久此臣之未解六也夫難平者事也昔先帝敗軍於楚當此時曹操拊手謂天下已定然後先帝東連吳越西取巴蜀舉

三國志
兵北征夏侯授首此操之失計而漢事將成也然後吳
更違盟關某毀敗秭歸嗟跌曹丕稱帝凡事如是難可
逆見臣鞠躬盡瘁死而後已至於成敗利鈍非臣之明
所能逆觀也謹表以聞仰於聖斷建興六年冬十一月
日丞相諸葛亮上表

後人有詩贊曰

前後出師表情切意尤深觀者不垂淚應無忠義心

後主覽表甚喜即勅令孔明出師孔明受命起三十萬精
兵引大小將士令魏延總督前部先鋒逕奔陳倉道口而
來早有細作報入洛陽司馬懿奏知魏主大會文武商議

大將軍曹真出班奏曰臣作守隴西功微罪大羞愧至深
未有竭力摠忠臣近得一員大將使六十斤大刀騎千里
征驍馬開兩石鐵胎弓暗射三箇流星鎚百發百中有萬
夫不當之勇乃隴西狄道人也狄道縣屬陝西姓王名雙字子全

臣保此人爲先鋒乞賜三軍必擒諸葛亮矣獻大喜便召
王雙上殿視之身長九尺面黑睛黃熊腰虎背獻笑曰朕
得此大將有何慮哉遂賜錦袍金甲封爲虎威將軍前部
大先鋒曹真爲大都督真謝恩出朝遂引十五萬精兵會
合郭淮張郃分道守把隘口却說蜀兵行至陳倉見有城
池急回告孔明說陳倉口築起一城內有大將郝昭守之

深溝高壘，遍排鹿角，十分謹嚴，不如棄了此城。從太白嶺
 鳥道而出，祁山甚便。孔明曰：「陳倉正北是街亭，如不得此
 城，難以進兵。如得此城，盡將城中之物賞軍，切不可稽遲。
 魏延遂引兵逕到城下，四面攻之，連日不能破。復來告孔
 明，說城難打。孔明大怒，要殺魏延。忽帳下一人告曰：「某雖
 無才，隨丞相多年，未嘗報効。願去陳倉城中說郝昭來降，
 不用張弓隻箭，眾視之，乃部曲鄧祥也。」孔明大喜曰：「汝用
 何言說之？」祥曰：「郝昭與某同鄉，目幼交契，乃隴西人氏，某
 流落西川，久不相見。某今到彼，以利害說之，必來降矣。」孔
 明即令行之。鄧祥驟馬逕到城下，叫曰：「郝伯道，故人鄧祥
 來見。」城上人報知郝昭，昭令開門放入。登城相見，昭問曰：

故人因何到此？祥曰：「吾在西蜀，孔明帳下參贊軍機，待以
 上賓之禮。特來見公，看吾之面，開門投降。昭勃然變色，起
 身而言曰：「諸葛亮乃我國讐敵之人也。吾事魏，汝事蜀，各
 事其主。昔時為昆仲，今時為讐敵，汝再不必多言，便請出
 城。」鄧祥又欲閉言，郝昭已出敵樓上了。魏軍急催上馬，趕
 出城外。祥回頭視之，見郝昭倚定護心木欄，干祥勒馬以
 鞭指之曰：「伯道賢弟，何太情薄耶？」昭曰：「魏國法度，兄所知
 也。吾受國恩，有不可言者，但有死而已。兄不必下說詞，早
 回見諸葛亮，教快來攻城。吾不懼之。」祥回告孔明曰：「郝昭

未等某開言而阻之。孔明曰：汝可再去見他，以利害說之。祥又到城下，勒馬高叫曰：伯道賢弟，聽吾忠言。汝乃一孤小城池，怎拒數十萬之衆？今不早降，豈非愚乎？倘城破身亡，有何益也？今賢弟執迷不順，大漢却屈膝而事奸魏，乃不知天命，不辨清濁耳。願伯道思之。郝昭大怒，拈弓搭箭，指鄆祥而喝曰：吾前言已足，汝不必再言。早早速退，吾不射汝。鄆祥回見孔明，具言如斯。孔明大怒曰：匹夫無禮太甚，汝敢欺吾無攻城之具也。吾一切完備俱在軍中，吾自去攻之。傳令三軍齊力進發，試看郝昭如何。且聽下回分解。

諸葛亮二出祁山

却說孔明喚土人問曰：陳倉城中有多少人馬？土人告曰：雖不知的數，約有三千人。孔明大笑曰：量此小小城池，滿城皆是人馬，安能及我哉！休等他救兵到，火急攻之。於是軍中起百乘雲梯，一乘上可立十數人，週圍用木板遮護，下以輪推之。每一面雲梯百乘，城上軍亂箭射之。下面蜀軍各抱短梯軟索，聽軍中擂鼓，一齊上城。郝昭在敵樓上望見蜀兵裝起雲梯，四面而來，即令三千軍各執火箭，分在四面待雲梯近城，一齊射之。孔明料城中無備，大造雲梯而進。今三軍鼓譟，吶喊相助，雲梯車上載起連珠砲九

霄砲碗口銃一窩蜂大將軍呂公車各色火砲齊舉打城

猶如天塌地陷山崩海沸那格可得得那城內軍民亡竟喪膽四

面雲梯皆至城邊不期城上火箭齊發雲梯盡着梯上蜀

軍燒死數多城上矢石如雨蜀兵皆退孔明大怒曰汝燒

吾雲梯吾却用衝車之法孔明連夜安排下衝車次日四

面鼓譟吶喊而進郝昭急命運石鑿眼用葛繩穿定飛打

其車皆折孔明又取井闌百丈以射城中又令人運土填

城壕郝昭又於城中築起重牆以禦之孔明見打不透教

廖化引三千鍬鑿軍從夜間掘地道暗入城去郝昭又於

城中掘重壕橫截之如此地道軍又不得進晝夜相攻二

十餘日無計可破孔明營中憂悶忽報東邊救兵到了旗

上書魏先鋒大將王雙孔明問曰誰可迎之魏延出曰某

願往孔明曰汝乃先鋒大將未可輕去又問誰敢迎之蜀

將謝雄應聲而出孔明與三千軍去了孔明曰謝雄去了

誰敢再去蜀將龔起應聲要去孔明亦與三千兵去了孔

明把人馬退二十里下寨恐城內郝昭衝兵出却說謝雄

正遇王雙戰不三合被雙一刀斬之蜀兵敗走雙隨後趕

來龔起接着交馬只三合亦被王雙斬之敗兵回報孔明

孔明大驚忙令廖化王平張嶷三人出迎兩陣對圓張嶷

出馬王平廖化壓住陣角蜀兵引到陳倉城下郝昭引三

千兵開門以迎之。王雙縱馬來與張嶷交馬數合，不分勝負。雙詐敗便走，嶷隨後趕來。王平見張嶷中計，忙叫曰：「休趕，疑急回馬時。」王雙流星鎗到正中，其背疑伏於鞍上，雙便趕來。王平廖化截住，救張嶷回陣。王雙驅兵大殺一陣，蜀兵折傷甚多。嶷吐血數口，回見孔明說王雙英雄無敵。如今選二萬兵就陳倉城外下寨，大小車輛裝載木植，四圍立起排柵，築起重城，深挑壕塹，守禦甚嚴。孔明見折二將，張嶷又被打傷，卽喚姜維曰：「陳倉道口這條路不可行之，別求何策。」維曰：「陳倉城池堅固，郝昭守禦甚密，又得王雙相助，實不可取。不若令一大將依山傍水下寨固守，再令良將守把要道，以防街亭之攻。」統大軍去襲祁山，甚却如此。如此用計，可捉曹真也。孔明曰：「若此則大事可成矣。」卽令王平、李恢引二枝兵守街亭小路，魏延引一軍守陳倉谷口，馬岱爲先鋒，關興、張苞爲前後救應，便從小徑出斜谷，望祁山進發。却說曹真因思前番被司馬懿奪了功勞，因此到洛陽分調郭淮、孫禮、東西守把，又聽的陳倉告急，已令王雙去救。聞知王雙斬將立功大喜，乃令中護軍大將費耀權攝前部總督，諸將守把各處隘口。忽報山谷中捉得細作來，見曹真升帳，謀士戰將列於兩邊，真令押入，跪於帳前。其人告曰：「小人不是奸細，有機密來見。」

督誤被伏路軍捉來乞退左右真乃教去其縛左右暫退
其人曰小人乃姜伯約心腹人也蒙本官遣送密書真大
喜曰此書安在其人於貼肉衣內取出呈上真拆視曰

天水郡姜維百拜書呈大都督曹麾下維念世食魏祿
忝守邊城叨竊厚恩無門補報昨日誤遭諸葛亮之計
陷身於顛崖之中思念老母日久號啕今幸蜀兵西出
諸葛亮甚不相疑賴都督聽納忠言親提大兵而來如
遇敵人可以許敗維當在後可以舉火為號先燒蜀人
糧草却以大兵翻身掩之則諸葛亮可擒也非敢立功
報國實欲贖其前罪倘蒙照察速須來命

曹真看畢大喜曰天使吾成功也遂重賞來人便令回報

依期會合曹耀用符真喚費耀商議曰今姜維暗獻密書令吾如此

如此耀曰諸葛亮多謀姜維智廣善能用人恐其中有詐

真曰維母不在天水吾亦不信也他母現在魏境安肯久

在蜀乎耀曰都督不可輕去只守定本寨某願引一軍接

引姜維如是成功盡歸都督倘有奸計某自支當真大喜

曰是見忠心矣費耀引五萬兵望斜谷而進行了兩三程

屯下軍馬令人探哨當日申時分回報斜口道中有蜀兵

來也耀忙催兵進蜀兵未及交戰先退耀引兵追之蜀兵

又來方欲對敵蜀兵又退如此者三次俄延於次日申時

分魏軍兩日一夜不曾敢歇只恐蜀兵攻擊欲屯軍造飯忽然四面喊聲大震鼓角齊鳴蜀兵漫山遍野而來門旗開處閃出一輛四輪車來孔明端坐其中令人請魏軍主將答話耀縱馬提刀而出遙見孔明心中暗喜回顧左右曰如蜀兵掩至便退後走若見山後火起却回身殺去自有兵來相應衆皆知令耀橫刀大呼曰前者敗將今何敢又來孔明曰請汝曹真答話耀罵曰曹都督乃金枝玉葉安肯與反賊相見耶孔明怒把羽扇一招左有馬岱右有張嶷兩路兵衝出魏兵便退行不到三十里望見蜀兵背後火起喊聲不絕費耀只道號火便回身殺來蜀兵齊退

將提刀在前只望喊處追趕將次近火山路中鼓角喧天喊聲震地兩軍殺出左有關興右有張苞山上矢石如雨往下射來魏兵大敗費耀知是中計急退軍望山谷中而走人馬困乏背後關興生力軍趕來魏兵自相踐踏及落澗身死者不知其數耀逃命而走正遇山坡口一彪軍乃是姜維耀大罵曰不忠不孝之賊吾不幸誤中汝奸計也維笑曰吾欲擒曹真誤賺汝矣速下馬受降耀驟馬奪路望山谷中而走忽然擁出一輛小車車上舉火塞了谷口背後追兵又至耀自刎身死餘者盡降孔明連夜驅兵直出祁山前下寨收住軍馬重賞姜維維曰某恨不得立殺

曹真耳孔明亦曰可惜大計小用也却說曹真聽知折了費耀悔之不及遂與郭淮商議退兵之策於是孫禮同辛毗計議停當星夜具表申奏魏主言蜀兵又出祁山曹真損兵折將其危甚急獻大驚卽召司馬懿入內曰曹真損兵折將蜀兵又出祁山卿有何策退之懿曰臣已有退諸葛亮之計不用魏軍揚武耀威蜀兵自然走矣獻大喜未知其計如何且聽下回分解

總評

姜維之計只好哄曹真耳你看費耀便不被他瞞過費耀智足以知此已可爪矣更能自刎不辱真智勇兩全者也曹真犬彘耳何足以辱此公讀史至此潸為費君惜也

第九十八回

孔明遺計斬王雙

却說司馬懿奏曰：臣嘗奏陛下言孔明必出陳倉，故以郝昭守之。今果然應矣。若從陳倉入寇，運糧甚便。幸有郝昭王雙守把，必不敢從此路運糧。其餘小道搬運艱難，不易到也。臣算蜀兵所費行糧，止有一月。若糧盡必走矣。蜀兵利在急戰，魏軍只宜久守。陛下可使人持詔令子丹堅守諸路關隘，不要出戰，不須一月。蜀兵自走，却乘虛而擊之。諸葛亮可擒也。獻欣然曰：卿既有先見之明，何不自引一軍以襲之？懿曰：臣非惜身重命，實欲存下此兵以防東吳。

陸遜耳吳王不久必僭稱尊號如稱尊號恐陛下伐之定
然先入寇也臣故待之陛下免憂正言間忽近臣奏曰曹
都督奏報軍情懿奏曰陛下可速令人丁寧告戒子丹凡
追趕蜀兵觀其虛實不可輕入重地以中諸葛亮之計也
廩即時下詔遣太常卿韓暨持節告戒曹真切不可戰務
宜謹守只待蜀兵退去方許擊之司馬懿送韓暨於城外
囑之曰吾以此功讓與子丹汝見子丹休言是吾所陳之
意只道天子降詔教保守為上追趕之人大要仔細勿遣
性急氣噪者追之暨辭去却說曹真正升帳議事忽報天
子遣太常卿韓暨持節詔至真忙出寨接入受詔已畢真

退與郭淮孫禮計議韓暨之言淮笑曰此乃司馬仲達之
見也真曰此見若何淮曰此言深識諸葛亮用兵之法也
久後破蜀兵者必仲達也真又問曰倘蜀兵不退又何論
耶淮曰可密令人去教王雙引兵於小路巡哨自然糧不
敢運待一月終糧可盡絕蜀兵自走矣乘勢追之有何不
勝也孫禮曰某去祁山虛粧做運糧兵車上盡裝乾柴荊
草以硫黃焰硝灌之却教人虛報隴西運糧到若蜀人無
糧必然來搶待入其中放火燒車外以伏兵應之可勝矣
真喜曰此計大妙即令孫禮引兵望祁山西行計又遣人
教王雙引兵於小路上行計郭淮引兵提調箕谷衛亭令

諸路軍馬守把險要真又令張遼子偏將軍張虎為先鋒
樂進子牙門將樂綝為副先鋒此二將同守大寨如得將
令方許出戰追之却說孔明在祁山寨中每日令人廝戰
魏兵堅守不出孔明喚姜維等商議曰魏軍堅守不出是
料吾軍中無糧也今陳倉轉運不通其餘小路盤涉艱難
吾等隨軍糧草不敷一月用度如此奈何正躊躇之間忽
報隴西魏兵運糧數千車於祁山之西運糧官乃涿郡容
城人也姓孫名禮字德達孔明曰其人如何有魏人告曰
此人曾隨魏王出獵於大石山忽驚起一猛虎直奔御前
孫禮下馬拔劍斬之從此封為上將軍乃曹真心腹之人

也孔明笑曰此是魏將料吾老諸葛到之糧故用此計車上裝載者底通
必是茅草引火之物也吾平生專用火攻彼焉能用火也
彼若知吾軍去劫糧車必來劫吾寨矣可將計就計而行
大事豈不成哉遂喚馬岱分付曰汝引三千軍徑到魏兵
屯糧之所不可入其營但於上風頭放火若燒着車仗魏
兵必來圍吾寨又差馬忠張嶷各引五千兵在外圍住內
外夾攻破魏兵必矣三人受計去了又喚關興張苞分付
曰魏兵頭營接連四通之路今晚若西山火起魏兵必來
劫吾營也汝二人却伏於魏寨左右只等他兵出寨汝二
人便可劫之又喚吳班吳懿分付曰汝二人各引一軍伏

於營外如魏兵到可截斷歸路孔明分撥已畢自在祁山上无西而坐却說魏兵探知蜀兵要來劫糧慌忙報與孫禮禮令人飛報曹真真遣人去頭營分付張虎樂綝看今夜山西火起蜀兵必來救應可以出軍如此如此二將受計令人登樓專看號火却說孫禮把軍伏於山西只待蜀兵是夜二更馬岱引三千兵而來人皆銜枚馬盡勒口逕到山西見許多車仗重重疊疊攢遠成營車上虛插旌旗忽然西南風起岱令頭軍逕去營南放火車仗盡着火光冲天孫禮只道蜀兵到寨內魏軍放起號火急引兵一齊掩至背後鼓角喧天兩路兵殺來乃是馬忠張嶷把魏軍圍在垓心孫禮大驚又聽的魏軍中喊聲起一彪軍從火光邊殺來乃是馬岱內外夾攻魏兵大敗火緊風急人馬亂竄死者無數孫禮引中傷軍突烟冒火而走却說張虎在營中望見火光又不知魏兵勝負只顧大開寨門與樂綝盡引人馬殺奔蜀寨來不見一人急收軍回吳班吳懿兩路兵殺出斷其歸路張樂二將急衝出重圍奔回寨時土城之上箭如飛蝗却被關興張苞取了營寨魏兵大敗皆投曹真寨來方欲入寨忽見一彪敗軍飛奔而來乃是孫禮遂入寨見真各言中計之事真聽知謹守大寨靜軒先生有詩歎曰

三國志
糜戰祁山經幾秋至今草木尚含愁孔明妙算人無及
先奪曹兵算一籌

却說蜀將兵勝回見孔明孔明令人密受計與魏延教拔寨齊起楊儀曰今已大勝挫盡魏兵銳氣何故收軍回也孔明曰吾退師者乃料魏人不知吾病也吾病乃無糧矣利在速戰今彼堅守吾病興矣可以退兵魏人暫時兵敗中原必有添益若以輕騎襲吾糧道○有○見○識○那時要歸不能矣今乘魏兵新敗不敢正視蜀兵便可退去曹真料吾必不走也吾所憂者但魏延一軍在陳倉道口拒住王雙急不能脫身吾已令人授以密計教斬王雙使魏人不敢追也只

今後隊先行當夜孔明只留金鼓守在寨中打更分明捉鈴喝號凡事皆備一夜兵已退盡只落空營却說曹真止在寨中憂悶忽報有一彪軍到真令人哨探乃是左將軍張郃也郃下馬入帳與真曰某近奉聖旨特來聽調真曰曾引仲達否郃曰仲達特令某來也方纔路聞孫將軍計不成都督哨探否真曰新敗以來未曾敢進郃曰仲達分帳既盡矣勝且去不勝如何不去說不通說不通付云魏軍勝蜀兵必不肯去若魏兵敗蜀兵必去矣此乃兵家之玄機不可不察也真未信令人探之果是虛營只插着數十面旌旗兵已去了二日也且說魏延受了密計當夜二更拔寨急回漢中早有細作報與王雙雙大驅軍

馬併力追趕追到二十餘里看看趕上見魏延旗號在前
 雙大叫曰魏延休走蜀兵更不回頭雙拍馬趕來背後魏
 兵叫曰將軍休趕背後魏延在城外下寨城中放起火下
 雙便勒馬回時只見一片火起慌令退軍行到山坡左側
 忽一騎馬從林中驟出大叫曰魏延在此王雙大驚措手
 不及被延一刀砍於馬下魏兵疑有埋伏四散逃走延手
 下止有三十騎人馬望漢中緩緩而回後史官有詩贊曰
 孔明妙算勝孫龐破魏吞吳定蜀邦進退行兵神莫測
 陳倉道口斬王雙
 原來魏延受了孔明密計先教存下三十騎伏於王雙營

邊只待王雙起兵趕時却去他營中放火雙若回寨可作
 隄防延因此斬之却說魏延引兵回到漢中見了孔明交
 割了人馬孔明設宴大會不在話下且說張郃追蜀兵不
 上回到寨中忽有陳倉城郝昭差人申報言斬了王雙曹
 真聞知傷感不已因此憂成病疾遂回洛陽命郭淮孫禮
 張郃守長安諸道却說吳王孫權設朝忽有細作人報說
 諸葛丞相出兵兩次魏都督曹真兵損將亡羣臣大喜皆
 勸吳王興師伐魏以圖中原還是如何且聽平回分解

諸葛亮三出祁山

却說多官皆勸吳王伐魏權猶豫未決張昭奏曰近聞武

昌東山鳳凰來儀大江之中黃龍累現主公德配唐虞明
益文武可即皇帝位然後興兵未晚矣多官皆應曰子布
之言是也遂選定夏四月丙寅日築壇於武昌南郊是日
羣臣請權登壇即皇帝位乃告祝曰

皇帝臣孫權敢用玄牲昭告於皇皇后帝漢享國二十

有四世歷年四百三十有四行氣數終祿祚運盡普天

弛絕老面皮不既奔矣權獨與乎一笑率土分崩孽臣曹不遂奪神器不子獻繼世作慝

淫名亂制臣權生於東南遭值期運承乾秉戍志在平

世奉辭行罰舉足為民羣臣將相州郡百城執事之人

咸以為天意已去於漢漢氏已絕祀於天皇帝位虛郊

祀無主休徵嘉瑞前後雜沓歷數在躬不得不受權畏

天命不敢不從謹擇元日登壇燎祭即皇帝位惟爾百

神享之左右有吳永終天祿

是日祭畢大赦江東改黃武八年為黃龍元年謚父破虜

將軍孫堅為武烈皇帝母吳氏為武烈皇后兄討逆將軍

孫策為長沙桓王立子孫登為皇太子命諸葛瑾長子諸

葛恪為太子左輔張昭次子張休為太子右弼恪字元遜

身長七尺少鬚眉折頰廣額大聲清高極聰明善應對權

甚愛之年六歲時忽值東吳筵會不懷為孔明猶子矣權見諸葛瑾面長乃戲

之令人牽一驢來用粉筆書其面曰諸葛子瑜衆皆大笑

恪跪而告曰乞借粉筆再添二字諸葛子瑜之驢滿座之

正史記此一極佳演義便改壞了俗筆可恨如此

人無不驚訝權大喜遂將驢賜又一日大宴官僚權命恪

把盞巡至張昭面前昭不飲曰此非養老之禮也權喚恪

曰汝能教子布飲乎恪應之便與昭曰昔姜尚父年九十

秉旄仗鉞猶未嘗老今日大宴但臨陣之日先生在後飲

酒之日先生在前今日推辭何謂不養老昭無言可答只

得飲之恪應對如流權因此愛之故命輔太子昭佐吳王

位列三公之上故以其子張休為太子右弼又封顧雍為

丞相封陸遜為上將軍輔太子守武昌權復還舊業羣臣

共議伐魏之策張昭奏曰陛下初登寶位未可動兵只宜

修文偃武增設學校以安民心遣使入川與蜀同盟共分

天下緩緩圖之權從其言即令使命星夜入川來見後主

禮畢細奏其事後主聞知遂與羣臣商議蔣琬奏曰可令

人問於丞相後主即令陳震逕到漢中見孔明言曰東吳

孫權即皇帝位命入入川與蜀同盟平分天下孔明曰可

令人齎禮物入吳作賀乞遣陸遜興師要分其勢魏朝必

命司馬懿拒之懿若南拒東吳我再出祁山長安可圖也

若得長安乘勢伐魏此萬全之計也遂令太尉陳震將名

馬玉帶金珠寶貝入吳作賀震徑到東吳見了吳王呈上

國書權大喜設宴相待打發回蜀權傳旨令陸遜虛做起

兵之聲遙與西蜀爲勢。遂受命曰：此乃孔明懼司馬懿之謀也。既然同盟，不得不從。回顧左右曰：教吳兵且養銳氣，待孔明攻魏至急，吾可乘虛好取中原也。卽時下令，教荆襄各處都要訓練人馬，擇日與師。却說陳震回到漢中，報知孔明。孔明尚憂陳倉不可輕進，先令人去探。回報說：陳倉城中，郝昭病重。孔明曰：大事成矣。遂喚魏延、姜維，分付曰：汝二人領五千兵，星夜直奔陳倉城下。如見火起，併力取城。二人俱未深信。又來告曰：何日可行？孔明曰：三日都要完備，不須辭。我便行。二人受計去了。又喚關興、張苞至附耳，低言分付曰：如此如此。二人受了密計，自去却說郝

昭病重，慌報張郃。郃急上表，差人來替郝昭。郭淮聽知，郝昭病重，乃與張郃商議曰：郝昭與我至厚，今病重，你可速去替他。我自寫表申奏朝廷，別行定奪。張郃恐陳倉有失，引三千兵急來替郝昭。此時郝昭病危，當夜正呻吟之間，忽報蜀軍到城下了。昭令人上城守把時，各門上火起，城中大亂。昭聽知，驚死。蜀兵一擁入城，却說魏延、姜維到了城下看時，並不見一面旗號，又無打更之人。二人驚疑，不敢攻城。忽聽的城上神矣一聲砲響，四面旗幟齊豎。二人大驚，勒馬視之，見一人綸巾羽扇，鶴氅道袍，放聲大叫曰：汝二人來的遲了。二人視之，乃孔明也。二人慌忙下馬拜伏於

地曰軍師真神計也。孔明令放入城言曰：吾嘗憂陳倉城未能取之，乃使人打細報來說郝昭病重，汝等已知吾令汝三日內領兵取之。此乃穩衆人之心也。吾却令關興張苞只推點軍，暗出漢中。○老○賊○吾即藏於軍中，星夜倍道，逕到城下。使彼不能調兵也。吾早有細作在城內放火發喊相助，令魏兵驚懼不定，兵無主將，必自亂矣。吾故取之。兵法云：出其不意，攻其無備，正謂此也。今郝昭已亡，吾甚憐之，令伊妻小扶靈柩回魏，以表其忠。魏延姜維拜曰：丞相用兵如神，仁德極厚，某等何憂哉？孔明曰：汝二人且莫卸甲，可引兵去襲散關。散關屬陝西把關之人若知兵到，必自走矣。魏

延姜維受命引兵，逕到散關把關之人果然盡走。二人上關，纔要卸甲，遙見關外塵頭大起，魏兵到來。維曰：丞相神算也，不可測度。二人登樓視之，乃魏將張郃也。二人歎曰：丞相令我等引兵先取此關，把關之人聞是蜀兵，必早走也。若去遲，魏兵到矣。今果如此，可令兵守住險道，延即引兵拒之。張郃見蜀兵把住要路，遂令退軍。延隨後趕來，催殺一陣，魏兵死者無數。張郃大敗遠去。延回到關上，令人報知孔明。孔明先自領兵出陳倉斜谷，取了建威，後面蜀兵陸續進發。後主又命大將陳式來助孔明，驅大兵復出祁山，安下營寨。孔明聚衆言曰：吾二次出祁山，不得其利。

今又到此吾料魏人必依舊戰之地與吾相敵彼意疑我
 取雍郿二處必以兵拒之吾觀陰平武都二郡與漢連接
 武都郡名陰平邑名今俱屬鞏昌府若得此城亦可分魏兵之勢何人敢取
 之姜維曰某願往之王平應曰某亦願往孔明大喜遂令
 姜維引兵一萬取武昌王平引兵一萬取陰平二人領兵
 去了再說張郃回到長安來見郭淮孫禮說陳倉已失郝
 昭已亡散關亦被蜀兵奪了今孔明復出祁山分道進兵
 淮大驚曰若如此必取郿雍二郡矣留張郃守長安令孫
 禮保雍城淮自引兵星夜來拒郿城再上表入洛陽告急
 却說魏主曹叡設朝近臣奏曰陳倉城已失郝昭已亡諸

葛亮又出祁山散關亦被蜀兵奪了叡大驚忽一人又奏
 曰近得滿寵等表文說東吳孫權僭稱帝號與蜀同盟今
 遣陸遜在武昌訓練人馬聽候調用只在朝夕必入寇矣
 叡聞知兩處危急舉止失措甚是驚慌此時曹真病未痊
 可即召司馬懿商議曰兩下危急可先退何處懿奏曰以
 臣愚意所料東吳必不舉兵有見○謹○叡曰卿何以知之懿曰先孫
 權獨拒江東心滿意足再無遠圖之心次後陸遜復得荆
 州時權自謂太過矣今稱帝號民心未安何敢妄動蜀之
 孔明嘗思當報先主之恩復街亭之讐終欲吞吳非不為
 也蓋力不及矣又誠恐中原從旱路興兵伐之故暫與東

吳同盟耳。今孔明又出祁山，懼東吳乘時而擊，故令人作賀求吳，假作興兵之勢，以分中國之兵。吳欲吞魏，恐蜀襲吳，因此不敢興兵。如見却坐觀成敗。今吳興兵，乃虛詐之計，實不舉也。蜀興兵，乃誠實之情，欲克中原也。臣故知東吳不發兵矣。戲嘆曰：卿真乃大將軍之才也。遂封懿為大都督，總攝隴西諸路軍馬。令近臣取曹真總兵將印來。懿曰：臣自去取之。遂辭帝出朝，逕到曹真府下，先令人入府報知。懿方進見，真問病畢，懿曰：東吳西蜀會合興兵入寇，今孔明又出祁山下寨，明公知之乎？真驚訝曰：吾家下知我病重，不令知之，似此國家危急，何不拜仲達為都督，以退蜀

兵耶？懿曰：某才薄智淺，不稱其職。真曰：取印與仲達。懿曰：都督少慮。某願助一臂之力，只不敢受此印也。再三推辭，堅辭不受。真躍起身曰：如仲達不領此任，中國必危矣。吾當抱病見帝，以保之言。訖復臥於床上。懿曰：天子已有命，肯其不敢受。真大喜曰：仲達今領此任，以退蜀兵，再有征伐，吾當努力自去矣。懿見真再三讓印，遂受之。人內辭了魏主，引兵往長安來，與孔明鬪智。未知勝負如何，且聽下回分解。

總記

諸葛孔明司馬仲達這一班人是天地間最愚最蠢

之人也有此聰明如何這等閒撒漫

第九十九回

孔明智敗司馬懿

蜀建興七年夏四月孔明兵在祁山分作三寨專候魏兵
却說司馬懿引兵到長安張郃接見備言前事懿令郃為
先鋒戴凌為副將引十萬兵到祁山於渭水之南下寨郭
淮孫禮入寨參見懿問曰汝等曾與蜀兵對陣否二人答
曰未也懿曰蜀兵千里而來利在速戰今來此不戰必有
謀也隴西諸路曾有信息否淮曰已有細作探得各郡十
分用心日夜隄防並無一事只有武都陰平此二城未曾
回報懿曰吾自差人與孔明交戰汝二人急從小路去救

二郡却掩在蜀兵之後彼必自亂矣二人受計引兵五千從隴右小路來救武都陰平就襲蜀兵之後行了數日淮在馬上與孫禮曰仲達與孔明如何禮曰孔明勝仲達多矣淮曰孔明雖然勝之此一計足顯仲達有過人之智也蜀兵如正攻兩郡我等從後抄到彼等豈不自亂乎二人正言間忽哨報來說陰平已被王平打破了武都已被姜維打破了前離蜀兵不遠禮曰蜀兵既已打破了城池如何陳兵於外必有詐也不如速退郭淮從之欲傳令教軍退時忽然一聲砲響山背後閃出一枝軍馬來旗上大書漢丞相諸葛亮字樣中漢一輛四輪車孔明端坐於上左

有閑興右有張苞二人見之大驚孔明大笑曰郭淮孫禮休得走也司馬懿之計安能瞞得過吾他每日令人在前交戰却教汝等襲吾軍後武都陰平吾已取了汝二人不早來降欲驅兵與吾決戰耶郭淮孫禮聽畢大慌忽然背後喊聲大震兩路軍殺來乃是王平姜維興苞二將引軍前面殺來兩下夾攻魏兵大敗各棄盔拋甲赤身逃走郭孫二人棄馬爬山而走張苞望見又驟馬趕來連人帶馬跌入澗內後軍急忙救起頭已跌破孔明令人送回成都養病却說郭孫二人走脫回見司馬懿曰武都陰平二郡已失孔明伏於要路前後攻殺因此大敗棄馬步行方得

凡真正有見識人決不臨事慌張亦不因

逃回懿曰非汝等之罪孔明智在吾先可再引兵守把雍

破而尤人怨人此類是也

郿二城切勿出戰吾自有破敵之策郭孫二人拜辭而去

懿又喚張郃戴陵分付曰今孔明得了武都陰平必然撫

百姓以安民心不在營中矣汝二人各引一萬精兵今夜

起身抄在蜀兵營後各一齊奮勇殺將過來吾却引兵在

亦是

前布陣只待蜀兵勢亂吾大驅士馬攻殺進去如此兩軍

併力可奪蜀兵之營寨也若得此地山勢破諸營有何難

哉彼兵安能穩立乎二人受計引兵而去戴陵在左張郃

在右各取小路進發深入蜀兵之後三更時分來到大路

兩軍相遇合兵一處却從蜀兵後殺來行不到二十里前

軍不行張戴二人自縱馬視之只見數百輛草車橫截去

路郃曰此必有準備也可取路而回纔然退軍只見滿山

火光齊明鼓角大震伏兵四下皆出把陵郃二人圍住孔

以高一着縛于神

明在祁山上大叫曰戴陵張郃聽吾之言司馬懿料吾往

武都陰平撫民不在故令汝二人來劫吾寨却中吾之計

也汝二人乃手下之輩吾不殺害何不下馬早降郃大怒

指孔明而罵曰汝乃山野村夫侵吾大國境界如何敢發

○張○郃○可○用○

此言吾若捉住汝時碎屍萬段言訖縱馬挺鎗要上山來

取孔明山上矢石如雨郃不能上山乃拍馬舞鎗衝出重

圍無人敢當蜀兵困戴陵在核心郃殺出舊路不見戴陵

卽奮勇翻身又殺入重圍救出戴陵而回孔明在山上見
郃在萬軍之中往來衝突英勇倍加乃與左右曰嘗聞張
翼德大戰張郃人皆驚懼吾今日見之方知其勇也若留
小人之心下此人他日必爲蜀中之害矣吾當除之若不除之吾心
中又添一病也遂收軍還營却說司馬懿引兵布成陣勢
只待蜀兵亂動一齊攻之忽見張郃戴陵獨行而來二人
羞慚告曰孔明先在蜀兵寨後山上如此隄防因此大敗
而歸懿大驚曰孔明真乃神人也不如且退卽傳令教大
軍盡回本寨堅守不出且說孔明大勝所得器械馬足不
計其數乃引大軍回寨每日令魏延搦戰魏兵不出一連

半月不曾交兵孔明正在帳中思慮忽報天子詔至孔明
接入營中焚香禮畢問詔讀曰

街亭之役咎由馬謖而君引愆深自貶抑重違君意聽
順所守前年擢師馘斬王雙今歲爰征郭淮遁走降集
氏羌復興二郡威震凶暴功勳顯然方今天下騷擾元
惡未梟君受大任幹國之重而久自挹損非所以光揚
洪烈矣今復君丞相君其勿辭

建興七年夏六月 日詔

孔明聽詔畢乃與侍中費禕曰吾國事未成安可復丞相
之職也堅辭不受禕曰丞相若不受職冷淡了將士之心

也。費禕再三奉勸孔明方纔受之。禕拜辭而去。孔明思量退司馬懿之策已定。遂聚諸將分付教各處皆拔寨而起。當有細作報知司馬懿說孔明起營退了。懿曰：孔明必有大謀也。不可輕動。張郃曰：必然糧盡兵危。要回漢中如何？不追。懿曰：吾料孔明上年大收今年麥熟糧草豐足。雖然轉運艱難亦可支吾半載。彼安肯便走也。彼見吾連日不戰故作此計引誘可令人遠遠哨之。軍士探知回報說孔明離此三十里下寨。懿曰：吾料孔明果不走也。且堅守寨柵不可輕進。住了旬日絕無音信。益不見蜀將來戰。懿令人探知回報說蜀兵已起營去了。懿未信乃更換衣服雜

仲達通

在軍中親自來看。果見蜀兵又退三十里下寨。懿回喚張郃曰：此乃孔明之計也。又住了旬日再令人哨探回報說蜀兵又退三十里下寨。郃曰：孔明用緩兵之計漸退漢中也都督何故懷疑不蚤追之。今若不進兵我等皆被天下人之耻笑矣。郃願決一戰以退蜀兵。上報朝廷。懿曰：孔明詭計極多。倘有一失喪我軍之銳氣也。決不可輕進。郃曰：不勞都督親去某乞一軍以追之。敗則當正軍法。懿曰：既眾將要去可分兵兩枝。汝引一枝先去在前奮力死戰。吾在後應之以防伏兵。此乃首尾相應之計也。汝次日先進到半途駐劄。後日交戰使兵力不支遂分兵已畢。次日張

郤戴陵引副將數十員精兵三萬依令而進到半路下寨於是司馬懿留下許多軍馬守寨只引五千精兵隨後進發原來孔明密令人哨見魏兵到半路而歇是夜孔明與衆將商議曰今魏兵來追必然死戰汝等可一當十五以伏兵截其後非智勇之將不可當也孔明言畢以日視魏延延低頭不語忽王平出曰某願當之孔明曰若有失如何平日殺身報國有失獻首孔明歎曰王平乃漢之忠臣肯捨身親冒矢石真良將之才也雖然如此奈魏兵兩枝前後而來斷吾伏兵在中平總然智勇只可當一頭豈能分身兩處須再得一將方可行之爭奈軍中再無捨死當

先之人教我大計不成矣言未畢一將出曰某願往衆看時乃前軍都督扶風太守張翼也孔明曰張郃乃魏之名將有萬夫不當之勇汝非敵手也翼曰若有失事願獻首於帳下孔明曰汝旣敢去可與王平各引一萬精兵伏於山谷中只待魏兵趕上任他過盡汝等却引伏兵若司馬懿隨後趕來却分兵兩頭張翼引一軍當住後隊王平引一軍截其前隊兩軍須要死戰吾自有別計助之二將受計引兵而去孔明又喚姜維廖化分付曰與汝二人一箇錦囊收受吾引三千精兵偃旗息鼓伏於前山之上如見魏兵圍住王平張翼十分危急不可去救只開錦囊看視

三國志
自有解危之策二人受計引兵而去孔明令吳班吳懿馬忠張嶷四將附耳分付曰如來日魏兵到銳氣正盛不可便迎且退且走只看關興引兵來掠陣之時汝等便回軍趕殺吾自有兵接應四將受計引兵而去又喚關興分付曰汝引五千精兵伏於山谷只看山上紅旗颯動却引兵殺出興受計引兵而去却說張郃戴陵引兵驟如猛風雨而來蜀兵吶喊相擊郃視之乃右軍領兵使奮威將軍博陽亭侯馬忠撫戎將軍關內侯張嶷左將軍高陽侯吳懿安樂侯吳班此四員大將也張郃大怒驅兵追殺蜀兵且戰且走魏兵追趕約有二十餘里正值六月天氣甚是亢炎人馬受熱汗如潑水只得追殺走到五十里之上魏兵盡皆氣喘孔明在山上把紅旗一招關興引兵殺出馬忠等四將一齊引兵掩殺回來張郃戴陵死戰不退忽然喊聲大震兩路軍殺出乃是牙門將裨將軍王平前軍都督領扶風太守張翼也各奮勇追殺截其後路郃大叫衆將曰汝等到此不卽死戰更待何時魏兵奮力衝突不得脫身忽然背後鼓角喧天一彪軍殺到乃魏都督司馬懿也懿指揮衆將把平翼二將圍在垓心翼大聲言曰丞相真乃神人也計已算定必有良謀吾等當決一死戰卽分兵兩路平引一軍截住張郃戴陵翼引一軍來當司馬懿兩

三國志
頭死戰叫殺連天姜維廖化在山上窺見魏兵勢大蜀兵力危漸漸抵當不住維與化曰如此危急可開錦囊看計二人拆開視之大駭不已未知其計如何且聽下回分解

仲達與兵寇漢中

却說姜維廖化二將觀錦囊之計云若司馬懿兵來圍裹王平張翼至急二人可分兵兩枝竟襲司馬懿之營懿知之恐長安有失必然急退汝等乘亂攻之營雖不得可全勝矣二人卽分兵兩路逕襲司馬懿營中而去原來司馬懿亦恐中孔明之計沿途不絕令人傳報懿正催戰之間忽流星馬飛報言蜀兵兩路竟取大寨去了懿大驚失色

乃與衆將曰吾料孔明有計汝等不信勉強追來却誤了大事卽提大兵而回軍心惶惶亂走張翼隨後掩殺魏兵大敗張郃戴陵見勢孤窮亦望山僻小路而走蜀兵大勝背後關興引兵接應諸路司馬懿大敗一陣奔入寨時蜀兵已自回去懿收聚了敗軍責罵諸將曰汝等不知兵法只憑血氣之勇強欲出戰致有此敗今後切不可妄動再有不遵決正軍法衆皆羞慚而退魏國無名將死者極多史上不能記錄却說孔明收得勝軍馬入寨所得降兵及軍器馬匹不記其數又欲起兵進取忽報有人自成都而來說張苞被傷風身死孔明聽知放聲大哭口中吐血昏

絕於地衆皆救醒孔明自此得病卧床不起諸將無不感
激靜軒先生有詩歎曰

屈死張苞未建功孔明揮淚洒西風要知身惹疴羸病
盡在憂民爲國中

旬日之後孔明喚董厥樊建等入帳分付曰吾自覺昏沉
不能理事汝等切勿走泄司馬懿若知必來攻也不如且
回漢中養病再作良圖遂傳號令與各營教當夜暗暗拔
寨皆回漢中孔明去了五日懿方得知乃長歎曰孔明真
有神出鬼沒之計吾不能及也於是司馬懿留諸將在寨
中分兵守把各處隘口懿自回洛陽却說孔明將大軍屯

於漢中自回成都養病文武官僚出城迎接送入丞相府
中後主御駕自來問病命御醫調治日漸痊可建興八年
秋七月魏都督曹真病可乃上表說蜀兵數次侵界累犯
中原若不勦除必爲後患今時值秋涼人馬安閑正當征
伐臣願與仲達同領大軍逕入漢中殄滅奸黨以清邊境
此時司馬懿安置荆襄未回魏主大喜卽遣使持聖旨星
夜召懿回朝次日獻升偏殿有侍中劉曄在側獻問曰子
丹勸朕伐蜀若何曄奏曰大將軍之言是也今若不勦除
後必爲大患陛下不勞多疑便可行之獻點頭曄出內回
家有數十箇大臣相探問曰近聞天子與公計議興兵伐

蜀此事如何曄應曰無此事也蜀有山川之險非易圖之地空費軍馬之勞也是今天子心已憚矣若強動軍馬與國無益衆官皆默然而出楊暨笑曰昨聞劉曄勸天子伐蜀今日如何又說不伐也卽入內奏曰陛下何不興兵早早伐蜀獻曰卿書生焉知兵法暨曰劉曄乃先帝時謀臣也臣昨日聞奏可伐臣故知之獻恐曄有計乃變色而笑曰劉曄不曾教朕伐蜀也暨又曰劉曄與衆官言不可伐蜀臣故疑之特來奏聞獻卽召劉曄入內問曰卿勸朕伐蜀今又言不可何也曄奏曰誰人言之獻曰楊暨來奏如此如此曄曰臣細詳之蜀不可伐獻大笑少時楊暨出內曄

奏曰臣只道陛下飽看兵書原來陛下實不知也昨日臣勸陛下伐蜀乃大謀密事如兒戲可發一笑常恐夢寢之中泄漏此機以益臣罪豈敢向外人談論兵者詭道也事未發切宜密之臣見衆官所問故反言之陛下如何與楊暨言是非也獻大悟曰卿之言乃金玉也因此愈加敬重旬日內司馬懿回朝參見魏主獻將曹真表奏之事逐一言之懿奏曰臣去荆襄探視一遍亦有此意東吳果不動兵今日可乘此去伐蜀也獻卽拜曹真爲大司馬征西大都督司馬懿爲大將軍征西副都督劉曄爲軍師三人拜辭魏主引四十萬大兵前行至長安逕奔劔關來取漢中其餘郭淮孫禮等

各取路而行。漢中人報入成都。此時孔明病好多時。每日操練人馬習學八陣之法。盡皆精熟。欲來征北。聽得這箇消息。遂喚張嶷王平分付曰：汝二人先引一千兵去守陳倉古道。以當魏兵。吾却提大兵便來接應。二人告曰：丞相誤了大事也。人報魏軍四十萬。佯稱八十萬。真懿二人同領而來。勢如太山。如何只與一千兵去守隘口。倘魏兵大至。將何術以拒之。孔明曰：吾欲多與。恐士卒辛苦也。嶷平面目相視。皆不敢去。孔明曰：若有疎失。非汝等之罪也。不必多言。可以疾去。又哀告曰：丞相欲殺某二人。就此殺之。只不敢去也。孔明笑曰：何其愚也。吾令汝等此去。自有主

見吾昨夜仰觀天文。見畢星纏于太陰之分。此月內必有大雨淋漓。魏兵雖有四十萬。安敢深入山險之地。因此不用多軍。決不受害。吾將大軍皆在漢中安居。一月待魏兵退。天必晴朗。那時以大兵掩之。吾以安逸之兵掩殺。勞苦之卒。吾有十萬之軍。何懼魏兵四十萬也。嶷平聽畢大喜。拜辭而去。孔明隨統大軍出漢中。傳令教各處隘口預備乾柴艸料。細糧俱勾。一月人馬支用。以防秋雨。將大軍寬限一月。先給衣食。俟候出征。却說王平張嶷引一千兵。逕到陳倉古道。揀選高阜處搭起窩鋪。以防連陰。却說曹真司馬懿同領大軍。逕到陳倉城內。不見一間房屋。尋土人

問之皆言孔明回時放火燒毀真便要往陳倉道進發懿曰不可輕進我夜看天文見畢星纏於太陰之分此月內必有大雨若深入重地倘勝則可倘有疎虞人馬受苦要退則難且宜城中搭起窩舖住劄可也真令人伐木搭之未及半月天雨大降急若盆傾淋漓不住陳倉城外平地水深三尺軍器盡濕人不得睡晝夜不安大雨連降三十日馬無草料死者無數人乏飯食病亡極多生者怨聲不絕傳入洛陽魏主設壇求晴不得文武大臣皆入內上疏啓奏太尉華歆上疏曰

兵亂以來過踰二紀大魏承天受命陛下以聖德當成

康之降宜弘一代之治紹三王之迹雖有二賊負險延命苟聖化日躋遠人懷德將襁負而至天兵不得已而用之故戢而時動臣誠願陛下先留心於治道以征伐爲後事且千里運糧非用兵之利越險深入無獨成之功又聞今年徵役頗失農桑之業爲國者以民爲基以衣食爲本使中國無饑寒之患百姓無離土之心則天下幸甚二賊之釁可坐而待也臣備位宰相老病日篤犬馬之命將盡恐不復奉望鑾蓋不敢不竭臣子之懷惟陛下裁察謹疏

魏主覽畢以手報曰

君深慮國計朕甚嘉之賊憑恃山川二祖勞於前世猶不克平朕豈敢自多為必滅之哉諸將以為不一探取無由自弊是以觀兵以闕其釁若天時未至周武還師乃前事之鑒朕敬不忘所戒

城門校尉監少府臣楊阜上疏曰

昔文王有赤鳥之符而猶日昃不暇食武王白魚入舟君臣變色而動得吉瑞猶尚憂懼况有災異而不戰竦者哉今吳蜀未平而天屢降變陛下宜深有以專精應答側席而坐思示遠以綏邇以險間者諸軍始進便有天雨之患稽閣山險以積日矣轉運之勞擔負之苦所

費已多若有不繼必違本圖傳云見可而進知難而退軍之善政也徒使六軍困於山谷之間進無所畧退又不得非主兵之道也武王還師殷卒以亡知天期也今年凶民饑宜發明詔損饑減服技巧珍玩之物皆可罷之昔邵信臣為少府於無事之世而奏罷浮食今者用軍不足益宜節度謹疏

佛是套子從來大抵無不如此
散騎黃門侍郎臣王肅上疏曰

前志有之于里饋糧士有饑色樵蘇後爨師不宿飽此謂平途之行軍者也又况於深入險阻鑿路而前則其為勞必相百也今又加以霖雨山坡峻滑眾逼而不

三國志
展糧懸而難繼實行軍者之大忌也聞曹真發已踰且
而行載半谷治道功失戰士悉作是賊偏得以逸而待
勞乃兵家之所憚也言之前代則武王伐紂出關而復
還論之近事則武文征權臨江而不濟豈非所謂順天
知時通於權變者哉兆民知聖上以水雨艱劇之故休
而息之後日有釁乘而用之則所謂悅以犯難民忘其
死者謹疏

魏王納羣臣之諫卽下詔遣使詔曹真司馬懿還朝却說
曹真與司馬懿商議曰今連陰三十日軍無戰心各有思
歸之意倘偶然行動如何禁止懿曰不如且回真曰倘北

明追來怎生退之懿曰先伏兩軍斷後方可回矣二人正
言間忽使命來召真懿二人遂將大軍前隊作後隊後隊
作前隊徐徐而退却說孔明計算一月秋雨天氣未晴自
提一軍屯於城固又傳令教大軍會於赤坡駐劄

城固赤坡俱在

漢中孔明升帳喚衆將而言曰吾料魏兵必走也魏主必
下詔來取曹真司馬懿兵回吾若追之必有準備矣不如
任他遠去再作良圖忽王平令人報來說魏兵已回孔明
喚來人分付曰汝傳與王平不可追襲吾自有破魏兵之
策其人拜辭而去未知孔明怎生破魏勝負如何且聽下
回分解

總評

此翻出兵都無所作爲諸葛孔明司馬仲達俱知天
雨而故爲此並罰他任俸三年以贖傷民之罪乃妥
而仲達更當倍罰以其傷民尤多也

